



UNIVERSITÄTS-
BIBLIOTHEK
PADERBORN

Sacrarvm Antiqvitatvm Monvmenta

Hillesheim, Ludwig

Antverpiæ, 1577

Hieremias.

[urn:nbn:de:hbz:466:1-68887](https://nbn-resolving.org/urn:nbn:de:hbz:466:1-68887)



Hierem. i,
& sequent.

*Quàm grauibus numeris rerum mihi textitur ordo!
Et liber immensi verba doloris habet!*

Causa

Causa fuit regni facies miseranda ruentis,
 Atque Iudaea graui sceptrâ subacta iugo.
 Iam fracta Israël opes, populataq; regna:
 Iamq; potens rerum barbarus hostis erat.
 Vnaq; restabat pars gentis, & altera, nempe
 Beniamidum, & soboles fortis Iuda tuæ.
 Hæ quoque iam domitæ bello capita ægra trahebant,
 Et vix reliquias sustinuerè suas.

Vltima restabant misere discrimina genti,
 Aspera mandanti cum foret illa Deo.

Nos ea vaticinis vulgauimus omnia signis,
 Mens vero quoniam numine plena fuit.

Hierem. 6.

In scelerum furias, ac facta nocentia vulgi,
 Mystica contactu lingua sacrata Dei est.

Credita sed duræ non sunt oracula genti,
 Et grauis immerito pœna parata mihi est.

Hierem. 20.

Nostra licet flammis monumenta cremetur & igni,
 Sancta tamen cuncto tempore scripta manent.

37.38.
Hierem. 36.

Iamq; iterum nostras Babylonius hostis in oras
 Irruit, & Solymæ mœnia victor habet.

Hierem. 39.

Præda agitur, decora alta ruunt, captiua trahuntur
 Agmina, direptas possidet hostis opes.

Hic finis regno. Sed non licet omnia victor
 Ceperit, æterni fors fuit illa mali.

Diximus & mæstas inter solatia curas,
 Lataq; decreto fata futura die.

Hierem. 29.
30.

Omnia pro meritis oriuntur regna, ruuntq;
 Ordine quo, rerum stantq; caduntq; vices.

E E Z E